

EQIKKARNERA

Atomip nukinganik pissuteqartumik ajutoortoqartillugu imaluunniit qinngornernik ulorianartunik pissuteqartumik ajornartorsiuteqartoqalersillugu ikiuinissaq pillugu Det Internationale Atomenergiagenturimi isumaqatigiissummut Danmarkip akuersinera pillugu inatsisip Kalaallit Nunaannut atuutsilernissaa pillugu kunnigip peqqussutissaanut missingiut

Atomip nukinganik pissuteqartumik ajutoortoqartillugu imaluunniit qinngornernik ulorianartunik pissuteqartumik ajornartorsiuteqartoqalersillugu ikiuinissaq pillugu nunat tamalaat isumaqatigiisutaannut (ikiuinissaq pillugu isumaqatigiissummut) 26. september 1986-imeersumut Kalaallit Nunaata akuersinissaa pillugu aalajangiussassatut siunnersuut Kalaallit Nunaanni Inatsisartut 2. december 2015-imi akuersissutigaat.

Nunani tamalaani atorneqartussamik sinaakkusiinissaq ikiuinissaq pillugu isumaqatigiisutikkut siunertaavoq, atomip nukinganik pissuteqartumik ajutoortoqartillugu imaluunniit qinngornernik ulorianartunik pissuteqartumik ajornartorsiuteqartoqalersillugu naalagaaffinnut ilaasortaasunut sukkasuumik ikiuunnissamut taanna tapertaassaaq, taamatut iliornikkut kinguneri annikillisinnaammata, aammalu inuunermut, pigisanut avatangiisinullu kingunerinut illersuisoqarsinnaalluni.

Isumaqatigiisut pissutsit makku pillugit pisussaaffinnik aalajangersimasunik arlalinnik ilanngullugu imaqarpoq:

1. naalagaaffiup ikiuuttup sulisuinik unnerluutigisaqarsinnaannginneq (erseqqinnerusumik taaneqartumik annertussusilikkamik)
2. naalagaaffiup ikiuuttup sulisuisa akileraartitaannginnissaat (ikiuinermik suliassat suliarinerannut atatillugu)
3. naalagaaffiup ikiuuttup atortunut pigisanullu ikiuinissaq siunertaralugu naalagaaffimmut ikiorneqartumut eqqussaanut akileraarutininik, akitsuutinik assigisaannilluunniit akiliisitaannginnissaa
5. atortunut pigisanullu siuliani taaneqartunut naalagaaffimmik ikiuuttumik arsaarinnissinnaannginnerit pineqartunillu pinngitsaaliisummik

- tiguisinnaannginneritnaalagaaffik ikiuuttoq akerleralugu sulianik suliarinnineq
6. naalagaaffiit/sulisut ikiuuttut taarsiissuteqarlutik akiliisitaannginnissaat (erseqqinnerusumik taaneqartumik annertussusilikkamik), aamma
 7. naalagaaffimmut/sulisunut ikiuuttunut taarsiissuteqarluni akiliisitaannginnissaq (erseqqinnerusumik taaneqartumik annertussusilikkamik).

Pisussaaffiit maanna Kalaallit Nunaanni tamakkiisumik eqqortinneqarsinnaanngitsut.

Atomip nukinganik pissuteqartumik ajutoortoqartillugu imaluunniit qinngornernik ulorianartunik pissuteqartumik ajornartorsiuteqartoqalersillugu ikiuinissaq pillugu nunat tamalaat isumaqatigiissutaannut Danmarkip akuersinera pillugu inatsisip Kalaallit Nunaanni atuutilerneratigut pisussaaffinnik eqqortitsinissap naapertuunnerpaanera Illersornissamut Ministereqarfiup aamma Upalungaarsimanissamut Aqutsisoqarfiup tamanna tunuliaqutaralugu nalilerpaat.

Danskit piviusunngortitsineq pillugu inatsisaata atuutilerneratigut atomip nukinganik pissuteqartumik ajutoortoqartillugu imaluunniit qinngornernik ulorianartunik pissuteqartumik ajornartorsiuteqartoqalersillugu Kalaallit Nunaata naalagaaffinnit Ikiuinissaq pillugu Isumaqatigiisummut ilaasortaasunit allanit ajunaarnersuaqarnerani ikiorneqarsinnaanerata ajornannginnerulernissaanik isumaqassaaq.

Taarsiiffigitinnissamik piunasaqaat iliuitsinut ikiuinnermut atatillugu ajoqusiinerusunut tunngasuuppat – taarsiiffigitinnissamik piunasaqaateqartoqassagaluarpas Kalaallit Nunaat (erseqqinnerusumik aalajangerlugu annertussusilikkamik) akiliisinnaanera piviusunngortitsinermut inatsisikkut ilaatigut qulakkeerneqassaaq, ikiuineq oqartussaaffinnut tiguisimasanut tunngasuuppat. Assigisaanillu sulisut ikiuinnermut atatillugu Kalaallit Nunaanni ikiuuttut pineqaatissiisarnermut inatsisit malillugit unnerluutigineqarsinnaassanngillat (erseqqinnerusumik aalajangerlugu annertussusilikkamik).

Piviusunngortitsineq pillugu inatsimmi § 2, § 4 aamma § 5 Kalaallit Nunaannut atuutinneqalinngillat, upalungaarsimanermik suliaqavissut aamma/imaluunniit upalungaarsimanermut ikiuuttut kiisalu akileraartarnermut tunngasut pineqarmata, taakkualu oqartussaaffittut tiguneqarsimallutik.

Kalaallit Nunaata ikiuinissaq pillugu isumaqatigiisummik akuersissuteqarnissaa siunertaralugu danskit piviusunngortitsinermut inatsisaata (inatsit nr. 464, 17. juni 2008-meersup) atuutinneqalernissaa pillugu kunngip peqqussutissaatut missingiut Illersornissamut Ministereqarfiup suliaraa.

Inatsit nr. 464, 17. juni 2008-meersoq ilanngussatut ilanngunneqarpoq